



Universitätsbibliothek Paderborn

Svmmvla Caietani

Cajetan, Thomas

Antverpiae, 1575

Criminis falsa impositio semper est peccatum mortale.

urn:nbn:de:hbz:466:1-41716

hum caro factum est , Deus habet & corpus & sanguinem . & non dicitur per modū iniuriantis , quamvis irreuerenter , quum secundo modo dicitur . Et propterea peccatum est graue , non tamen mortale : quia non contra , sed præter Deum est , & tanto grauus , quanto frequentius .

*Criminis falsa impositio semper est
peccatum mortale.*

CAlumnia (hoc est falsa , & malitiosa impositio criminis) peccatum est in proximum : quod non sola poenitentia absolvitur , sed oportet satisfacere offenso proximo . Si autem ex errore imponit quis falsè alicuius crimen : calumniae quidē vitium formaliter non incurrit , sed materialiter : & tenetur tam ad poenitentiam peccati , quam ad satisfaciendum offenso & læso : quoniam in culpa fuit errādo . Non enim debebas assertiūe proferre id , in quo errasse se postea cōperitis & iste cautus præcepsq; fuit assērēdo illud quod non constat esse verum , in præiudiciū præsertim proximi .

Cambium quadrupliciter considerandum.

Cambiorum genera sunt quatuor . Quædam vera & realia , quibus moneta in uno loco ac tempore recipitur , & alio loco ac tempore redditur , prout in loco redditionis tempore restitutionis marca auri valet . Et in his nullum est peccatum cessante omnī dolo & fraude . Verūtamen quum hæc ad prolixius tempus fiunt aut protrahuntur , ut ex distantiori tempore plus lucri habeatur , ad usuram declinant , quia cum temporis quo pecunia occupata tenetur , ratio habetur : ad eum usuræ modum digreditur quo tempus vendi dicitur . Quædam verò sunt non vera sed palliata , & solo nomine cambia : quibus indigens Romæ pecunia , accipit pecuniam restituendam nō Lugduni sed Romæ iuxta valorem cambiorum Lugduni in sequenti